

ხელშეკრულება საქონლის შესყიდვის შესახებ # 60-7-223-191

ქ. თბილისი

07 აპრილი, 2023 წ.

I. მხარეები

1.1 წინამდებარე ხელშეკრულება დადებულია 2023 წლის 07 აპრილს ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი დირექტორის შესყიდვებისა და ლოგისტიკის საკითხებში, დირექტორთა საბჭოს წევრის გიორგი გელაშვილის (მინდობილობა #221356227) სახით (შემდგომში – „შემსყიდველი“) და მეორეს მხრივ შპს „ჯი თი ეი“-ს (შემდგომში – „მიმწოდებელი“) შორის, წარმოდგენილი დირექტორის კონსტანტინე ცხვარაძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს სამპოლუსა გამთიშველი (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით) (CPV კოდი: 31200000, 31210000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ჟ) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს 17 330,26 (ჩვიდმეტი ათას სამას ოცდაათი აშშ დოლარი და 26 ცენტრი) აშშ დოლარს დღგ-ს ჩათვლით. (შემდგომში – „ხელშეკრულების ღირებულება“). „ხელშეკრულების ღირებულება“ ითვალისწინებს ყველა ხარჯს, მათ შორის შემსყიდველის მისამართებამდე ტრანსპორტირების შემსყიდველის მიერ მითითებულ ადგილას ჩამოცლის ხარჯებს.

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 იმ შემთხვევაში თუ ხელშეკრულების მიმდინარეობისას მიმწოდებლის მიერ მოთხოვნილი იქნა საავანსო გადახდა, შემსყიდველი მიმწოდებელს უხდის საავანსო თანხას (სახელშეკრულებო ღირებულების არაუმეტეს 30%) მიმწოდებლის მხრიდან შესაბამისი ოდენობის უპირობო და გამოუთხოვადი საავანსო-საბანკო გარანტიის შემსყიდველ ორგანიზაციაში მატერიალური სახით წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში; უპირობო და გამოუთხოვადი საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში. საავანსო-საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით.

3.5 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე (დამოწმებული ნოტარიულად ან აპოსტილით);

3.6 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედადსმული;

3.7 ავანსად გაცემული თანხა ჩაითვლება საბოლოო ანგარიშსწორებისას.

3.8 ანგარიშსწორება განხორციელდება ლარში, უნაღდო ანგარიშსწორების ფორმით. გადახდის დღეს საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად აშშ დოლართან მიმართებაში.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 გადასცეს „შემსყიდველს“ საქონელი, ექსპლუატაციაში არ მყოფი (არ უნდა იყოს აღდგენილი ან/და მეორადი), ქარხნული შეფუთვით.

4.1.2 საქონელს მიწოდებისას თან უნდა ახლდეს შედმეგი დოკუმენტები:

- ლითონის სტანდარტის დამადასტურებელი დოკუმენტი, ქართულ ან ინგლისურ ან რუსულ ენაზე
- საქარხნო გაზომვის ოქმი, ქართულ ან ინგლისურ ან რუსულ ენაზე
- მწარმოებლის მიერ გაცემული სამონტაჟო/საექსპლუატაციო ინსტრუქცია, ქართულ ან ინგლისურ ან რუსულ ენაზე

4.1.3 საქონლის მიწოდება უნდა განხორციელდეს წინამდებარე ხელშეკრულების დანართი#1-ის (ფასების ცხრილი), და დანართი#2-ის (ტექნიკური პირობა) შესაბამისად.

4.2. “შემსყიდველი” მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. მიწოდების ვადა და ადგილი.

5.1 საქონლის მიწოდების ვადა არის: ხელშეკრულების გაფორმებიდან არაუმეტეს 150 (ას ორმოცდაათი) კალენდარული დღე.

5.2 საქონლის მიწოდება უნდა განხორციელდეს ტრანსპორტირებისა და შემსყიდველის მიერ მითითებულ ადგილას ჩამოვლის ხარჯების გათვალისწინებით, შემდეგ მისამართზე: ქ. თბილისი, ქინძმარაულის ქ. #29 (სს „სსე“-ის სასაწყობე მეურნეობის ცენტრალური საწყობი).

საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს.

VI. გარანტია

6.1. “მიმწოდებელი” იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

6.2. საქონლის საგარანტო ვადა შეადგენს 2 (ორი) წელს, მიღება-ჩაბარების გაფორმების დღიდან.

6.3. საგარანტო ვადის განმავლობაში თუ გამოვლინდება რაიმე ხარვეზი ან შეუსაბამობა, “მიმწოდებელი” ვალდებულია თავისი ხარჯებით გამოსწოროს ხარვეზი “შემსყიდველის” წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 150 (ას ორმოცდაათი) კალენდარული დღის განმავლობაში უნდა შეცვალოს საქონელი.

VII. მხარეთა პასუხისმგებლობა

7.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 4% -ის ოდენობით.

7.3 ამ ხელშეკრულების 7.1 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტო პერიოდში გამოვლენილი ხარვეზის გამოსწორებისთვის/ საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.4 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.6 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ

შეიძლება გახდეს „მიწოდებლის“ მხრიდან „შემსყიდველისათვის“ 7.4 პუნქტით გათვალისწინებული პირგასამტეხლოს დარიცხვის საფუძველი.

VIII. ხელშეკრულების შესრულების კონტროლი/ინსპექტირება

8.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი/ინსპექტირება „მიწოდებლის“ მიერ ნაკისრი ვალდებულებების შესრულებაზე.

8.2 “მიწოდებელი” ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

8.3 „შემსყიდველის“ მხრიდან ხელშეკრულების შესრულებაზე კონტროლს/ინსპექტირებას ახორციელებს სს „საქართველოს სახელმწიფო ელექტროსისტემის“ ქვესადგურების ექსპლუატაციის სამსახურის უფროსი დავით ქაჯაია და ქვესადგურების ექსპლუატაციის სამსახურის უფროსი ინჟინერი თორნიკე ოდიშარია.

8.4 კონტროლი/ინსპექტირება განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

8.5 საქონლის მოწოდებისას “შემსყიდველის” მიერ წინამდებარე ხელშეკრულების 8.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან და აფორმებს შესაბამის ინსპექტირების აქტს, ფაქტობრივად მიღებული საქონლის მიხედვით.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან/და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ “მიწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიწოდებელს” ფაქტიურად მიწოდებული საქონლის ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XIV. შესყიდვის ობიექტის მიღება-ჩაბარების წესი

14.1 მიღება-ჩაბარების აქტი ფორმდება დადებითი ინსპექტირების აქტის საფუძველზე, საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად.

14.2 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

14.3 “შემსყიდველის მხრიდან მიღება-ჩაბარების აქტზე ხელმომწერი უფლებამოსილი პირი არის სს “სსე“-ს დირექტორთა საბჭოს შესაბამისი წევრი ან/და შესაბამისი დეპარტამენტის უფროსი”.

XV. ხელშეკრულების მოქმედების ვადები

15.1. ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს **2023 წლის 31 ოქტომბრის ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.**

XVI. ხელშეკრულების სხვა პირობები

16.1 ხელშეკრულება შედგენილია ქართულ ენაზე.

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVII. კონფიდენციალურობა და გაუმჟღავნებლობა:

17.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ

ელ. ტენდერი (SPA230000547) სამპოლუსა გამთიშველის (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით) შესყიდვაზე. “მიმწოდებელი” შპს „ჯი თი ეი“.

„სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/ შესყიდვები/ კონტრაქტის პირობები).

XVIII . მხარეთა რეკვიზიტები

“შემსყიდველი”:

სს „საქართველოს სახელმწიფო
ელექტროსისტემა“

ქ. თბილისი, ბარათაშვილის ქ. 2
საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

“მიმწოდებელი”:

შპს „ჯი თი ეი“
ტელ: 591004114

ქ.თბილისი, , ნუცუბიძის 1 მრ. კორპუსი 2. ბინა 21
ს/კ 405298459
სს „თი ბი სი ბანკი“
ბანკის კოდი: TBCBGE 22
ა/ა # GE44TB7150836080100007

კონსტანტინე ცხვარაძე

დირექტორი

ბ.ა

ელ. ტენდერი (SPA230000547) სამპოლუსა გამთიშველის (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით) შესყიდვაზე. “მიმწოდებელი” შპს „ჯი თი ეი“.

**დანართი #1,
ფასების ცხრილი:**

#	დასახელება	ტიპი ან/და მოდელი ან/და სასაქონლო ნიშანი	წარმოშობის ქვეყანა და მწარმოებელი კომპანია	განზ.	რაოდ.	ერთეულის ღირებულება დღგ-ს ჩათვლით (აშშ დოლარი)	ჯამური ღირებულება დღგ-ს ჩათვლით (აშშ დოლარი)
1	2	3	4	5	6	7	8
1	სამპოლუსა გამთიშველი (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით)	GW4- 33/2500A	DALIAN TUCHENG INTERNATIONAL CO., LTD, ჩინეთი	კომპლექტი	2	8 665,13	17 330,26

„ხელშეკრულების ღირებულება“ შეადგენს
17 330,26 (ჩვიდმეტი ათას სამას ოცდაათი აშშ დოლარი და 26 ცენტი) აშშ დოლარს დღგ-ს ჩათვლით.

“შემსყიდველი”:

სს „საქართველოს სახელმწიფო
ელექტროსისტემა“

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

“მიმწოდებელი”:

შპს „ჯი თი ეი“

კონსტანტინე ცხვარაძე

დირექტორი

ბ.ა

დანართი #2,
ტექნიკური პირობა:

#	დასახელება და აღწერილობა	განზ. ერთეული	ტექნიკური პარამეტრები
1	2	3	4
1	სამპოლუსა გამთიშველი (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით)	-	2 კომპლექტი
1,1	სტანდარტი	-	IEC 62271-102
1,2	ტიპური ტესტირება IEC 62271-102-ის სტანდარტის შესაბამისად	-	კი
1,3	კლიმატური პირობები		
1,4	მაქსიმალური ყინულის სისქე	მმ	20
1,5	მაქსიმალური ქარის სიჩქარე	მ/წ	40
1,6	მაქსიმალური ჰაერის ტემპერატურა	°C	+40
1,7	მინიმალური ჰაერის ტემპერატურა	°C	-25
1,8	სეისმური დონე		
1,9	სეისმური მედეგობა (MSK)	-	8
1,10	რიხტერის მაგნიტუდური შკალა	-	5.3
1,11	ტექნიკური მახასიათებლები		
1,12	დაყენების ტიპი		გარე დაყენების
1,13	სიმაღლე ზღვის დონიდან	მეტრი	≤ 1000
1,14	მართვის ტიპი	-	დისტანციური და ადგილობრივი მართვით
1,15	ამძრავის ტიპი	-	ელ. ძრავი
1,16	დამამიწებელი დანა - დისტანციური და ადგილობრივი მართვით	-	2
1,17	მართვის ტიპი	-	სამპოლუსა მართვა
1,18	ნომინალური ძაბვა	კვ	35
1,19	მაქსიმალური მუშა ძაბვა ხანგრძლივად	კვ	38,5
1,20	ნომინალური სიხშირე	ჰც	50
1,21	ნომინალური დენი	ა	2500
1,22	გაჟონვის გზის ხვედრითი სიგრძე	მმ/კვ	25
1,23	თერმიული მდგრადობის დენი	კა	31.5
1,24	დინამიური მდგრადობის დენი	კა	78
1,25	მოკლე შერთვის დასაშვები ხანგრძლივობა	წმ	1
1,26	ჩართვა-გამორთვა	წმ	10
1,27	ფაზებს შორის მანძილი	მმ	1200
1,28	იზოლაციის მასალა	-	ფაიფური
1,29	მართვის ძაბვა	ვ	220 DC
1,30	ამძრავების ძრავის კვების ძაბვა	ვ	220 DC
1,31	გამათბობლის კვების ძაბვა	ვ	220 AC
1,32	ბლოკირების წრედების კვების ძაბვა	ვ	220 DC
1,33	ამძრავის კარადის დაცვის კლასი	-	IP55

ელ. ტენდერი (SPA230000547) სამპოლუსა გამთიშველის (ლითონკონსტრუქციით, სააპარატო მომჭერებით (AC 400/51 ტიპის სადენისთვის) და საანკერო ქანჩ-ქანჭიკით) შესყიდვაზე. “მიმწოდებელი” შპს „ჯი თი ეი“.

1,34	ლითონკონსტრუქცია		
1,35	ლითონკონსტრუქციის სიმაღლე	მ	2,7
1,36	მოწყობილობის ლითონკონსტრუქცია უნდა იყოს მოთუთიებული (ცხლად განვალიზებული)	-	ISO 1461 სტანდარტით
1,37	ლითონი	-	Q235B

შენიშვნა: საქონელი უნდა იყოს ექსპლუატაციაში არ მყოფი (არ უნდა იყოს აღდგენილი ან/და მეორადი), ქარხნული შეფუთვით.

“შემსყიდველი”:

სს „საქართველოს სახელმწიფო ელექტროსისტემა“

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

“მიმწოდებელი”:

შპს „ჯი თი ეი“

კონსტანტინე ცხვარაძე

დირექტორი

ბ.ა